

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

“Коми Республикаса медицина организациясын торъя медицина да мукöд уджалысьлы социальнöя отсалан мераяс йылысь” Коми Республикаса Оланпасö вежсьöмъяс пыртöм йылысь

Примитöма Коми Республикаса
Каналан Сöветөн

2023 вося öшым тöлысь 22 лунö

1 статья. Пыртны “Коми Республикаса медицина организациясын торъя медицина да мукöд уджалысьлы социальнöя отсалан мераяс йылысь” Коми Республикаса Оланпасö (Коми Республикаса канму власьт органъяслөн индöд-тшöктöмъяс, 2020, 22 №, 367 ст.; 2022, 15 №, 248 ст.) татшöм вежсьöмъяс:

1. Содтыны татшöм сюрöса 2¹ статья:

“2¹ статья. Коми Республикаса медицина организациясын медицина уджалысьяслы, кодъяс лоöны уджсикасö велöдан организацияс помалысьясөн, кутшöмъяс дасьтöны йöзöс шөр тшупöда медицинаö велöдан уджтасьяс серти, кодъясöс босьтöма удж выlö шөр тшупöда медицина тöдöмлуна медицина уджалысьяслөн чинъясö да кодъяс локтöмаöсь уджавны Коми Республика мутасын фельдшер-акушер пунктъясö, сетöны содтöд мынтöмъясөн социальнöя отсалан мераяс Коми Республикаса Вескöдлан котырөн урчитöм пöрадокын, мындаясын да условиясын.”.

2. 3 статьяын:

1) 1 пунктын “Социальнöя могмöдан öтувъя канму юöртан системаö Россия Федерацияса Вескöдлан котырөн урчитöм пöрадокын да тэчасын” кывъяс вежны “Социальнöй юкöнын öтувъя шөр цифрöвöй платформа” канму юöртан системаö “Социальнöй юкöнын öтувъя шөр цифрöвöй платформа” канму юöртан система йылысь положение серти, кутшöмöс вынсьöдö Россия Федерацияса Вескöдлан котыр” кывъясөн;

2) 2 пунктын “Социальнöя могмöдан öтувъя канму юöртан системаö” кывъяс вежны “Социальнöй юкöнын öтувъя шөр цифрöвöй платформа” канму юöртан системаö” кывъясөн.

2 статья. Тайö Оланпасыс вынсялö 2024 вося тövшөр тöлысь 1 лунсянь.

Коми Республикаса Вескöдлан котырлы примитны нормативнöй инöда актъяс, кутшöмъяс могмöдöны тайö Оланпас збыльмöдöмсö.

Коми Республикаса Юралысь

В.В. Уйба

Сыктывкар

2023 вося ёшым тӧлысь 30 лун

125-РЗ №